

Kikilim mas tamatina tu pacishuan

A maaz a ludunan mais taunasanin sia kaililipuahin a lukisan mas
ismutan tu tus'a tu masankalalaasin tu na cindiavin tu tu'i'in amin a tutut a
hazaman siaan luduntan hai nau'in tu malunhalabin a dalahan mas manauz
tu bahlu tu pinainuk tu ulus at pahaulusan a lukisan mas pininalab tu
mavis'ikin tu laas tu sinpinanauaz mas Dihanintan at pacipsian mas luumtan
a ludunan mapimaupa mas na malistapang tu mal'angkuzu tu mamangan tu
bunun saduan. Ung at, maaz a laas a idadaza siaan lukistan hai aizaang a
masanglavang saduan at aiza a mediavin saduan at aizin a madanghas
saduan at ka ukaang saduan a manuhnuh a laas saduan siaan
lukistan. Pisbubusbus a dihaninan mais tu'i'ia a tutut a hazaman i na haiap a
Dihaninan tu inaiza habas a uvaaz a ukaas cina at minpacishuan.ung at
iskahuzas uvaaz tu.

Pacishuan pacishuan Pacishuan pacishuan.

Masabah dau siaan tanngadah dalah.

Pingkailasuun mas hudan pingkailasuun mas hudan.

Mingkailas minkailas kikilim mas tamacina.

Madumdum madumdum hudanan hudanan.

Makuang a daan a na iskilim mas tamacina.
Malsisiuh malsisiuh papashu papashu.
Kusbabai kusbabai kikilim mas tamacina.
Pacishuan pacishuan pacishuan pacishuan.
A'aklas sia 'uk'uk at madumduman tu libus.
Kusbabai kusbabai malsisiuh malsisiuh.
Papashu papashu kikilim mas tamatina, aliduus tamacina sia kalapatan
tu daan, manaskal manaskal manaskal pasisiskun, malsisiuh malsisiuh
papashu papashu, manaskalin malsisiuh manaskalin pasisiskun.

110 年全國語文競賽原住民族語朗讀 【郡群布農語】 國小學生組 編號 3 號
尋找爸爸媽媽的螢火蟲

尋找爸爸媽媽的螢火蟲童詩是作者以布農族人螢火蟲的故事引申而寫的一首詩，並且將布農族人的第一眼概念，其次是有關布農族螢火蟲故事中的擬人化在詩裡的表現。

再來，就是此詩直接引用布農族人陳述故事主角的觀點表現，而不是一般浪漫觀點。